

Na temelju članka 25. stav 4. Zakona o Fondu za zaštitu okoliša Federacije Bosne i Hercegovine („Službene novine Federacije BiH“ broj: 33/03), Odluke o usvajanju Programa utroška sredstava sa pozicije Grant za zaštitu okoliša utvrđenim Proračunom Županije Posavske za 2021. godinu („Narodne novine Županije Posavske“ broj: 12/21 i 15/21), Odluke o usvajanju izmjena Programa utroška sredstava sa pozicije Grant za zaštitu okoliša utvrđenih Proračunom Županije Posavske za 2021. godinu, broj: 01-02-678/21 od 03.12.2021.godine i Odluke o raspisivanju Javnog poziva za raspodjelu sredstava iz Granta za zaštitu okoliša utvrđenih Proračunom Županije Posavske za 2021. godinu broj: 05-02-157/21 od 02.12.2021. godine, Ministarstvo prometa, veza i zaštite okoliša Županije Posavske (u daljem tekstu: Ministarstvo) raspisuje:

JAVNI POZIV za prikupljanje zahtjeva za sufinansiranje projekata zaštite okoliša

I. PREDMET JAVNOG POZIVA

Predmet Javnog poziva je prikupljanje prijave za programe/projekte za raspodjelu sredstava koja će se odnositi na sufinansiranje projekata za zaštitu okoliša, zaštitu prirode, unapređenje i razvoj društvene javne komunalne infrastrukture, projekata energetske učinkovitosti, podizanje svijesti javnosti i drugih sličnih aktivnosti.

LOT 1 – Projekti za aktivnosti unapređenja upravljanja komunalnim otpadom na području Županije Posavske za izgradnju transfer stanica, sufinansiranje projekata vodoopskrbe i kanalizacije, zatvaranje nesanitarnih deponija, izgradnja reciklažnih dvorišta, sortirnica komunalnog otpada te postrojenja za pročišćavanje procjednih voda i nabavka opreme.

- Raspoloživa sredstva: 220.000,00 KM

LOT 2 – Projekti za aktivnosti na promociji zaštite okoliša.

- Raspoloživa sredstva: 20.000,00 KM

II. USLOVI KOJE PODNOSITELJI PRIJAVE MORAJU ISPUNJAVATI

Svi podnositelji zahtjeva za sufinansiranje programa/projekata (u daljem tekstu: Korisnici) moraju ispunjavati sljedeće uvjete:

1. Da imaju sjedište na teritoriji Županije Posavske,
2. Da aplicirane projekte realiziraju/implementiraju na području Županije Posavske,
3. Podnesu zahtjev za korištenje finansijskih sredstava u skladu sa objavljenim Javnim pozivom,
4. Udovoljavaju i drugim uvjetima utvrđenim Javnim pozivom.

Prijave programa/projekata Korisnika dostavljaju se na posebnom prijavnim obrascu.

III. PRAVO UČEŠĆA

Pravo učešća na Javni poziv imaju pravne osobe registrirane kod suda ili organa uprave i to:

- LOT 1: općine Županije Posavske i javna komunalna poduzeća,
- LOT 2: ekološka udruženja, privatna poduzeća i obrti i neprofitne organizacije.

IV. POTREBNA DOKUMENTACIJA

Sredstva iz Javnog poziva dodjeljuju se na osnovu zahtjeva i obavezne dokumentacije. Svi dokumenti koji se predaju uz zahtjev kao osnovna dokumentacija moraju biti originali ili ovjerene kopije, ne starije od 3 mjeseca od dana objave ovog poziva.

Nekompletni zahtjevi se neće razmatrati.

Dokumenti koji se šalju na Javni poziv se ne vraćaju podnosiocu prijave.

Podnosioci prijave moraju projekat realizirati na području Županije Posavske.

Obavezna dokumentacija mora sadržavati:

- Prijavu projekta na Javni poziv - popunjen i potpisan obrazac od strane odgovornog lica (preuzima se sa web stranice: www.zupanijaposavska.ba).
- Dokaz o registraciji aplikanta kod nadležnog suda (aktuelni izvod iz sudskog registra ili sudsko rješenje o izmjenama podataka – odnosi se na pravna lica, izuzev jedinica lokalne samouprave) ili kod nadležnog organa, u zavisnosti gdje je subjekt registriran (odnosi se na udruženja i obrte odnosno nevladine organizacije). Datum izdavanja dokaza o registraciji ne smije biti stariji od 3 mjeseca od dana objave ovog poziva – dostavlja se original ili kopija originala (koji nije stariji od 3 mjeseca) ovjerena od strane nadležnog organa;
- Uvjerenje o poreskoj registraciji - ID broj i PDV broj ukoliko su PDV obveznici (ovjerena kopija).
- Ovjerenu izjavu o namjenskom trošenju sredstava (ovjerena kod nadležnog organa uprave ili notara).
- Ako se radi o sufinansiranju, ovjerenu izjavu o visini sredstava s kojima će aplikant učestvovati u sufinansiranju realizacije projekta koji predlaže (ovjerena kod nadležnog organa uprave ili notara).

V. OSNOVNI KRITERIJI ODABIRA

Osnovni kriteriji i mjerila za ocjenjivanje zahtjeva i određivanja prednosti pri dodjeli namjenskih sredstava za zaštitu okoliša su:

- a) pripremljenost projekata, programa ili sličnih aktivnosti za koje je upućen javni poziv (pripremljenosti stručne i tehničke dokumentacije, stupanj spremnosti za početak radova) do 15 bodova,
- b) stupanj povoljnog utjecaja na okoliš (održivi razvoj, povoljan utjecaj na okoliš i prirodu, stupanj smanjenja potrošnje energije, poboljšanje u upravljanju otpadom, povećanje reciklaže otpada i dr.) do 30 bodova,
- c) predviđeni rok za implementaciju projekta do 15 bodova,
- d) značaj projekta i očekivani rezultati (ekološki značajna područja, stupanj smanjenja onečišćenja okoliša i negativnog utjecaja na okoliš i zdravlje ljudi, stupanj prioriteta projekta) do 30 bodova,
- e) osiguranje sredstava od strane korisnika u odnosu na ukupnu finansijsku konstrukciju do 10 bodova.

Povjerenstvo će odbiti zahtjev ako podnositelj zahtjeva nije podnio izvješće o utrošenim sredstvima dodijeljenih kao korisniku u prethodnim godinama.

VI. OBRADA ZAHTJEVA

Vrednovanje i rangiranje projekata pristiglih na Javni poziv vršit će posebno povjerenstvo koje imenuje ministar Ministarstva.

Povjerenstvo razmatra zahtjeve i dokumentaciju zaprimljenu na osnovu Javnog poziva, ocjenjuje ispunjenost uvjeta i kriterija za odobravanje projekta i prijedlog dostavlja ministru koji donosi konačnu Odluku o korisnicima sredstava.

Prije donošenja konačne odluke o odabiru ministarstvo zadržava pravo da od predlagača projekata traži dodatna pojašnjenja dokumentacije, kao i pravo odbijanja pristiglih projekata bez posebnog obrazloženja.

Sa odabranim predlagačima zaključit će se ugovor o međusobnim pravima i obavezama u realizaciji projekta koji se financira/sufinancira. Nakon završetka projekta odabrani predlagači su dužni dostaviti izvještaj o namjenskom korištenju dobivenih sredstava.

VII. OPĆE ODREDBE

Prijava za učestvovanje s obaveznom projektnom dokumentacijom dostavlja se putem pošte na adresu:

**Ministarstvo prometa, veza i zaštite okoliša
Jug I bb, Obilaznica,
76270 Orašje.**

Prijava se dostavlja u zatvorenim neprovidnim kovertama sa naznakom:
„Ne otvaraj - Prijava na Javni poziv LOT br. _ “.

Na poleđini zatvorene koverte naznačiti naziv podnositelja prijave sa adresom, i ovjeriti pečatom.

Rok za podnošenje prijava na Javni poziv je 12 dana od dana objave na web stranici Vlade Županije Posavske.

Krajnji rok i vrijeme za dostavu prijava je 20.12.2021. godine (ponedjeljak) do 10,00 sati.

Prijave zaprimljene nakon isteka roka za predaju prijave se vraćaju neotvorene podnositeljima. Podnositelji koji prijave dostavljaju poštom preuzimaju rizik ukoliko prijave ne stignu do krajnjeg roka utvrđenog Javnim pozivom.

Ministarstvo ne snosi nikakve troškove učesnicima u postupku Javnog poziva, a prispjela dokumentacija neće se vraćati.

Javni oglas će biti objavljen na web stranici Vlade Županije Posavske.

Sve dodatne informacije vezano za Javni poziv mogu se dobiti na brojeve telefona: 031/762-703 i 031/713-330.

MINISTAR

Anes Osmanović mag.krim.